CHIRON.

Wer diesen train ansicht/ vnd thut Iasonem kennen/ Vnd weiß was er verricht/ der muß so bald bekennen/ Daß gute Lehr geübt bey nacht vnd auch bey tag/ An eim Edlen gemüt das meinst¹⁰ kan vnd vermag.

Wer lust zu Tugend hat/ vnd wil nach Ehren streben/ Muß nach meim vnterricht anstellen sein gantz leben. [18] Wann er weiß ist vnd starck/ hat Witz vnd Heldenmut/ So hat in seiner macht er schon das höchste gut.

> Juno¹¹ Zu der Durchleuchtigsten Princessin zu Groß Britannien/ Churfürstin Pfaltzgrävin bey Rhein.

O Edle Princessin/ dern Lob vnd meritiren/
Alles was ist auf erd/ muß weichen vnd cediren/
Nim von deiner Freundin den Scepter vnd das Gut/
Daß Jch Dir offerir zum schuldigen tribut.

Was lasoni ich bißher hab guts than vnd bewiesen/
Jst dem nit gleich/ das er durch Dein huld thut geniesen.
Nunmehr/ wie im Pactol¹², ich gleichen sand vermein
Zu finden ohne müh im Necker vnd im Rhein.

NEPTVNVS.

Mein grundloß Königreich darf sich nit mehr erheben.

10 Ein grössere Gewalt thut über mich jetzt schweben/
Ein Edle Princessin/ dern Tugend lob vnd Ehr
Zu herrschen meritirt auf Erd vnd auf dem Meer.

Es ist nun zeit/ hör auf/ dein macht so hoch zu preissen/ Mein lieber Ocean. Man kan dir leicht beweisen/ 15 Das jtzt des Neckers Fluß/ weil er allein geniest Dieser Fürstin Presentz/ dein Herr vnd König ist,

GLAVCVS ZU IASON.

Mein weisser rath/ den ich Dir Iason hab gegeben/ Hat Dich errettet oft/ vnd erhalten beym leben. [19] Dir hett zerrinnen must dein vorschlag ohne mich/ 20 Entrunnen werstu sonst der Flut vnd Klippen nicht./